





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Pal. D.7.6.13





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Pal. D.7.6.13



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Pal. D.7.6.13



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Pal. D.7.6.13


7.6/8.

D 7.6.13
82



Ex Libris Joannis Nenoim

1874



Aurelii episcopi Martoranensis oratio in funere Laurēti
Medice Neapoli habita

Sive Augustissimo cōspectui tuo Magnanime Ca
labrum dux & amplitudini concionis huius quam
paratam ad audiendū uideo: siue claritati hominis quem
mortalibus assumptum hodierno funere prosequimur:
oratione merita prospicere uoluisset. Alterius profecto do
ctrine & excellētioris ingenii fuerat eligendus orator: qui
sua dicendi auctoritate ac uehementia: primum tante Ma
iestati tue satisfaceret. deinde audientiū animos: quo me
stissimus hic casus expostulat: modo ad gemitus & lachry
mas induceret. modo inductos eosdem probabilibus ar
gumentis consolari & ad leniores affectus reuocare sciret:
Tum Florētie urbis eximia preconia Illustresq; res gestas:
tum domus medice decus ac gloriam: deniq; generosi Lau
rentii fulgentissimas admirabilesq; uirtutes apposite com
memorare posset. Verum quomodo accidisse dicam: non
penuria eloquentium: quibus hec urbs felicissima Nea
polis abundat: non negligentia aut improuida optione:
sola ut reor temporis angustia mihi potissimum hec pro
uincia reposita est: tanquam minorem iacturam subituro:
si nondum oratoris magnam celebritatem adeptus: prope
extempore dicendo: aliquam tamen ex hac honesta auda
cia commendationem emereret: Sit utcunq; tibi principi
optimo ita iubenti parendum fuit: quod principi placet:
legem esse constat. degustabo igitur ac leuiter uelut apes
p̄ florea rura fugienti assimilis: tum Florentie: tum domus

medice: tum Laurentii laudes: quasi fastigia quedam ore
sumotenus attingam: maiorum scilicet rerum uberioribus
campis ad diligentiores historicos destinatis: Florentia si-
cuti ex idoneis auctoribus colligi licet: fluentia prius ap-
pellata est. Idque auspicatissimum militaris uirtutis nomen
de Syllanis castris fluenti arno appositis impetrauit:
Quom enim Lucii sylle uictor exercitus late euagaretur:
a Senatu Populoque Romano agrum: in quo consisteret
emeruit: utpote laboribus suis illud premium: & unde toti
Ethrurie ex ipso situ frenum quodammodo iugumque im-
positum putaretur: Satis ergo uetus urbs Florentia iudi-
canda est. Siquidem post Romam sexcentis sexaginta sep-
tem annis: ab hinc uero mille quingentis septuaginta: con-
dita fuit. que iampridem pre ceteris Ethrurie gentibus
tam militie quam pacis gloria florere cepit: unde permu-
tatis litteris: ex merito suo: Florētia pro fluentia toto orbe
tenuit ob excellentiam appellari: cuius noui nominis ori-
go in Charolum magnum a non obscuris quidem testi-
bus asseritur: Ille etiam pulcherrima que hodie gestant li-
liorum insignia Florentie condonauit. Astrologi qui su-
periora corpora in inferioribus maximam uim habere dis-
putant: sexte assurgentis Arietis parti: que inclyta domus
est ac facies magnifici Martis. Florētie Horoscopon assi-
gnant. Ideo mirari non oportet: si toties ab intestinis atque
externis certaminibus uexata: semper incolumis: suum de-
cus ac pristinum robur conseruat. neque Totile poten-
tissimi Gotorum Regis arma illam eruerē: neque duo in

cendia paruo temporis spacio: ab hinc fere trecētos qua-
 draginta annos consumere euauerunt: tutele Martis ātea
 nūc autem maiori numini idest diui Ioannis custodie con-
 secratam. Longum esset repetere per quos gradus ea ciui-
 tas paulatim acreuerit: quot preclara facinora: & quibus
 queq; temporibus ediderit: ut partim uī: partim consilio:
 in hec felicia quibus insistit culminis incrementa conscen-
 derit. traductis ad se Fesulanis ex quorum ruina plurimū
 adoleuit. subacta Pistorio: quam urbem frequens opinio
 est: primam extitisse: que in potestatem Florentine liberta-
 tis peruenerit. Deuicti emuli Pisani: terra mariq; olim me-
 morabiles: usque ad Nestorem primordia sue urbis exci-
 diumq; Troianum non falsa iactantes. Expugnati ueteres
 Arretini uel ante urbem Romam ex Archadia in Italiam
 profecti. Et alii complures hodie sunt ueterum monumen-
 tis illustrati. qui reipublice illius Florentissimis institutis
 obtemperant. nam ut inquit Crispus semper Imperium a
 minus bono ad optimum quenq; trāsfertur. hisdem quod
 artibus retineri solet: quibus initio partum est. que homi-
 nes arant nauigant hedificant uirtuti omnia parent. pos-
 sum hoc loco uiros bellicis artibus institutos: prestantis-
 simos duces ac milites ex ea urbe multos commemorare:
 Mannus donatus in bello quod contra Pisas gestum est:
 tria milia fortissimorum ut uocant Anglorum qui in sub-
 sidium Pisanis ueniebant: cum eorum duce Ioanne Au-
 guto ad id tempus indomiti nominis: ipse multo pau-
 ciore milite superauit. qua uictoria prostrati Pisano

rum animi: non multo post urbem Florētino iuri dedide-
runt. Arrogerius folcus Rhodiensiu classi prefectus: de-
cem & octo trophea ex uariis hostibus deuictis relata: uic-
trici Rhodo destinauit. Bonaguisus pressa. Florentine le-
gionis Tribunus: cum Othone Cesare in Asia profectus:
expugnatione urbis. Damiate: primus in menia conscen-
dit: primus in hostili pinnaculo felicia Florentie insignia:
crucem candido uexillo rubicantem constituit. primus in
alienam urbem hostium armatorum refertissimam more
Alexandri ex altissimo muro se deiecit. quem animum ce-
teri omnes partim pudore: partim audacia imitati: Damia-
tam alio qui inexpugnabilem illo impetu ceperunt. Nan-
nus stroccius pro Marchione Estensi Octolingū oppidū
expugnaturus: dū in auxilium Venetis properat: q̄ olim
ad cannas Paulo Emilio accidit. congregari potentiori ho-
ste coactus: quom se fuga preripere posset. o inclytū pec-
tus: recusauit. & fortissime dimicans multa tamē hostiū
strage non inulctus expirauit. Ramundus Manellus Ve-
netorum classi contra ligusticam pugnanti cum quattuor
triremibus auxilio missus: imperatoriā Genuensiu nauim
occupauit: unde insperata Venetis reddita protinus est
uictoria. Philippus Spamus pro Sigismundo pannonico
germinox Cesare quo ad uixit exercituū ductor semp iui-
ctus: aduersus imanes Turcas mouēs tribus & uiginti magnis
preliis illos superauit: atq; intra pprias sedes reiectos torpes-
cere coegit: Boemiā heresim dissipauit. tumultuatē Italiā
suis armis paccatā reddidit. Betus bissolus & Guido dascia.

nus: quom pro Bononia obfessa milites starent. a duobus
ingentibus gallis i eo periculi genere clarissimis ad singu-
lare certamen omnes italos prouocantibus pugna non de-
tractarunt: quin utroque inspectante exercitu quale Coruinus
& Torquatus gloria retulerunt. tanto maiorem quanto gloriosi-
us est: deuictos hostes equis & armis spoliatos: eorum duci Ge-
bennico ita rogati uiuos concessisse quam occidisse. Habet pro-
fecto habet. hac semper habuit Florentina ciuitas: suos Sci-
piones: ac suos Horatios: quos si homines enumerare con-
tenderim. Vesperus occiduo clauferit ante diem. Tametsi ea
res publica prudentissima: ob insitam plerumque magnis ingeniiis
dominandi cupiditatem: parcius ex suis quempiam exerci-
tui preficere consuevit: quom in multis experimentis: pre-
sertim eo bello: quo Farinata sapientissimus ciuis rempu-
blicam suam de manibus impiissimorum ciuium liberauit
plane intellexit: si ducibus suis uti pergeret: non sine tyranni-
dis periculo id futurum: itaque externos libentius adhibet
Quoties tamen ad domesticas uires confugere placuit.
conpertum est: ex illa patria milites ac duces prodire pre-
stantissimos. Mirum est profecto mirum: qualia & quan-
te indolis ingenia: ille ether: illa regio procreat ac profert.
licet aspicere indigenas. cuicumque rerum muneri se applica-
uerint. promptos: uersatiles: paratos: immo excellentes esse.
Nolo diuersa aut remotiora conspectari: quom ingruenti-
bus in Italiam barbaris: litterarum eruditio iam multis se-
culis sopita penitusque extincta uideretur: superioribus
annis Franciscus Petrarcha: & Dantes florentini poete:

ueluti longo post liminio primi pierias domos aperuerūt
& quasi ab inferis ad superos lumē hoc euocauere. Et pic-
turam tempestate eadem iottus cuilibet apelli conferen-
dus animauit. & Donatellus Heracleonti zeusi equipe-
randus. uiuos duxit de marmore uultus. & Claudianum
poetam Florentinum memorant: & Accurtium in legum
interpretes facile principem: Florentia dedit: & Boccatiū
certaldum eadem patria sibi uendicat. Poggium quis nes-
ciat ob singularem doctrinam dicendique leporem ubiq;
cognitum: qui deperditum Quintilianum in lucem resti-
tuit: qui Dionysium siculum e greco uertit: qui Panegy-
ricas orationes & alia egregie conscripsit. En tibi ex eodē
loco ueluti Plato alter Archiepiscopus Antonius ingenti
diuinarum sentētiarum uolumine: miraculis etiam fulget
Et Eusebium de temporibus: Laertium de Philosophis:
Ptolomeum de orbis situ: peregrina lingua conditos: per
Florentinorum ora: Palmerii: Ambroxii: Iacob angeli la-
tinos hodie legimus: Paulus Geometer in Astrologia tan-
tus fuit: ut q; mirabile dictu sidera & occultos celi mea-
tus manu sua compositis figuris: omnibus palam intelli-
gendos proponeret. Tadeus ob raram in medicis experi-
entiam uelut alter Esculapius: quinquaginta aureos di-
urnam mercedem pacisci solitus: ab Honorio Pontifice
egrotante centenōs in diem: & hoc amplius: restituta illi
ualitudine decem milia dono consecutus est. huius sunt
Hippocratis Aphorismi & prenostica: & Galleni Micro-
techni: huius de seruanda sanitate liber & ad uarias uali-

234
tudines multa consilia mortalibus opitulatur. Gratianus
patria eadem decretorum libros accuratissime collegit.
Quid Colucium Salutatam refero? sue etatis homini-
bus eloquentia prudentiaque mirabilem? Quid Nico-
laum nicoli in erudiendis iuuenibus alterum Palemenē?
Quid Andream floccum edito de magistratibus opere
conspicuum? Quid Titum stroccium: in scribendis elegis
Tibullo Propertioque parem? Quid Donatum Accia-
rolum Aristotelicam Ciceronisque doctrinam toto pec-
tore oreque referentem? Nonne hos omnes Florentia
summa laude dignissimos ciues peperit? Viuentes pre-
tereo & quos hodie in utraque lingua disertissimos non
ignoramus. per quos fit ut iterum attica Gymnasia: Ro-
manorumque fora pariter. illic reuiuiscant. Eugenius Pō-
tifex quartus cum christianum orientem: Remane eccle-
sie discordem emendare cupere. et sedem in qua tantum
concilium celebraretur: Florentiam unam ex omnibus
equam putauit: ubi Ioannes Paleologus Imperator Con-
stantinopolitanus: ubi Patriarche: Cardinales: ubi totius
Grecie ac Latii maximi Principes conuenirent. & de sum-
mis rebus disputaretur: unde Armeni & Ethiopes ex di-
uerso sole profecti: in suas quisque domos remeantes: Ca-
tholice fidei documenta ex Florentia retulerunt. An me-
morem? que pro dignitate illius urbis maxime etiam con-
memoranda forent (Sed singula ingens opus desiderant)
Lithostrata uiarū: marmoreas domos: Theatra: Turres:
Portic?: Tēpla: Fontes: & nemora in domib? sacros imitā

a iiii

tiā lucos: & ea quę dum in miraculis legimus. Pyramides.
perfides columnas: obeliscos: Polycleti aut Phidie statu-
as ac imagines: quomodo ex uniuerso orbe terrarum om-
nia in unam Florentiam confluxerint admiramur. Quom-
hec ita sint. & uiris omni uirtutum laude eminentissimis
ea patria semper floruerit. Auxit tamen in primis hanc fe-
licitatem Medica domus: Ne singulos dicere cogar. Quo
tempore Barnabos potentissimus Mediolanensium domi-
nus: Ethruriam ualidissimis exercitibus premebat: quom-
oppidum scarperia a quindecim milibus armatorum obsi-
deretur: & auxilium a Florentia dudum expectaret: nec
cuiquam id possibile uideretur: Ioannes Medices Hercu-
lei animi iuuenis cum centum electis militibus: dum per
occulta multitudo maior irrepsisset. ipse per medios ho-
stes ingressus uiam ferro aperuit: & compluribus ex ad-
uersariis interfectis: cum undique atra cedes fieret: ad
destinatum locum uictor aciem intromisit: uiginti tamen
ex suis eo conflictu desideratis: quo memorabili facto op-
pidum obsidione liberatum est: Ipse cum germano Silue-
stro a republica magnopere laudati: & equestrem digni-
tatem consecuti sunt. Bernadectus cui patria commiserat
exercitum: uelut alter Fabius: Nicolaum Piccininum in
armis alterum Annibalem agro Tudertino pugnās exar-
dentem: tamdiu in mora tenuit: quo ad impotem uoti Tu-
scia cedere coegerit: de quo non minus illud quam de
Fabio dici potest. unus homo nobis cunctando restituit
rem. Cosmus totius Europe ciues: opum affluentia: huma-

nitate: prudentia: liberalitate: superauit. Cosmipetrus pa-
terne magnitudinis uerus imitator ac heres: multo uberio-
rem illam in Laurentiū filium profudit. Seu maiestatem igitur
reipublice Florentine splendoremque requiras: Medica
domus presertim attulit. restituit: confirmauit. seu religio-
sas edes: immaniaque templa suspicis: Medica domus pleraque
ea propriis impensis extrui curauit. Seu bibliothecas innu-
meris operibus insignes legis: eas tibi docenda posteritas
si nescis. Medica domus proposuit. Seu mercatores num-
mos: equites domi forisque claros intueris: hos alumnos:
hos conciuēs suos: Medica domus pro uiribus omnes ex-
tulit: fouit: ornauit: Quot pauperes assidue? quot uiduas
quot pupillos aluit: induit: protexit? Quot uirginibus
dotes castissimas contulit? Nullum denique beneficen-
tie genus publice aut priuatim in quempiam omisit: Na-
ta medica domus ad patrie suae subsidium: Nata ad totius
Ethruriae communem salutem ac ornamentum. Proxime
uero in hoc Laurentio omnes animi corporisque uirtu-
tes & quantas in paucissimis extitisse satis constat: De
quo ut de Carthagine ait historicus: Satius erat silere:
quam pauca loqui: & quis est profecto tam barbarus.
tam a nostro hoc climate remotus: ad cuius aures Lau-
rentii medice fama non penetrauerit? quantum in toga
mitis: quantum omnibus expositus ac affabilis: ut in pe-
riculo fortis & manu promptus: ut bonorum confugium
ac certissimum columnen: sic uitiorum idem acerrimus
insectator erat: seditionum inimicus ac propulsator erat:

pacis italice assiduus conciliator erat. Hic ingenia premiis
alliciebat: hic Oratores: Poetas: Philosophos: Musicos:
Pictores: omnes denique in quibus aliquod uirtutis specimē
elucescere cernebat: muneribus: honoribus cōtinuis ad se
uocabat. atque adeo hec bonarum artium studia: non so-
lum ipse in aliis mirari: sed emulari: omnia preclarissimo
quodam animi instinctu: ac euincere contendebat. seu de
diuinis sermo esset: qui plurimus illi consueuerat: recon-
ditissimos e sacra scriptura sensus eliciebat: seu historia
recenseretur: omnis antiquitatis exempla memoria com-
pletebatur. Epistolas ad amicos: orationes: carmina: ele-
gantissimo stilo componebat. in quibus & si pro mode-
stia multis se concedere fateretur: accipientium tamen
consensu: priscos illos excellentes adequabat: Testes ex-
tant ad uarios illius luculentissime lucubrationes: quin
aderat uolenti multa extemporanea facultas: pronuntia-
bat suauissime: electis adeo uerbis grece latineque: & scri-
bebat & loquebatur: ut qui cum illo uersarentur: his ar-
tibus expoliti: proximum cuiuslibet attico romanoque ue-
teri iudicarent. Sonos & cantus: iuuenilia magis studia:
& equos flectere: & iaculari: quanquam hec in Achille:
Alexandro: Epaminunda: Marcho laudata sciret: & ipse
etatis flexu iam intermississet: tamen egregie recordaba-
tur: & in domesticis suis approbabat. In Senatu uero
quom de arduis ac dubiis rebus ageretur: subtiliter pro-
ponebat: facunde ac uehementer dicebat: facile cuique
persuadebat. Quid nūc animi magnitudinem in aduersis

atque constantiam: quid in illa ueteri pacciorum factione
 Quid in bellis ultro citroque per Italiam cum populo
 Florentino gestis: prouidentiam: celeritatem: audaciam: se-
 curitatem: Quid ad bonum commune semper propen-
 sam ac prope diuinam naturam memorem: notiora sunt
 hec quam ut mea multum enarratione indigeant. quanta
 erga patriam sua pietas: quanta ne aliquid aduersum su-
 biret euigilantia semper linceis oculis non solum presen-
 tia subtili mentis acumine intelligere: sed etiam futura tā-
 quam ab excelsa specula prospicere: & uenturis suorum
 incommodis precauere solebat. O importuna mors: o
 non tantum Tuscie ipsi: uerum toti etiam Italie merito
 magis magisque condolenda. plura de hoc dicere uolen-
 tem interrumpit dolor: humaneque fragilitatis memoria
 perturbat. I nunc forme: uiribus: I nunc generi: diuitiis
 confide. Heu quam nihil in terris solidum: quam nihil in
 quo conuiescere debeas: nisi fragile ac momentaneum.
 En tibi ante oculos pone Laurentium Medicem paulo
 ante per uniuersum orbem terrarum fama cognitum: eta-
 te florentem: uix dum etenim quadragintatres annos ex-
 cesserat: nobilitate: opibus: gratia: affluentem: summo dei
 uicario etiam affinitate iunctum. Inuictissimo nostro Ce-
 sari Ferdinādo egregia charū: Magnanimo Calabrie duci
 apprime familiarē: aliis Italie principibus ob eius incredi-
 biles uirtutes admirabilē: prole Beatū: ī summo rerū fasti-
 gio degentē: patrem patrie: amorē ac delicias iure uocita-
 tū: & tamē nec inuictissimi Cesaris Ferdinandi illū amici

cia uerendaq; Maiestas: nec summi Pontificis diua in ter-
ris supremaq; potestas: nec tua Magnanime Calabrū dux
heroica excelsaq; strenuitas. nec orbis uniuersi quātalibet
beniuolentia: de mortis manibus eripuerunt. quo pompa?
quo mundi fastus? heu q̄ subito omnia hec euanescent.
quid nunc tēnuis ille spiritus amplius ex hoc uite per bre-
ui curriculo: preterq̄ conscientiam comitem: & uillica-
tionis sue coram deo reddendam rationē secum abstulit?
cetera illa in terris tam multa: & tā preclara relicta: abeun-
tē cuncta deseruerunt. o fallaces hominū spes: o fragilem
fortunam. o inanes cogitationes nostras: quid sumus aut
quidnā supbi inflamur? en modo terris ut Iuuenalis ait ipe-
ritans sarcophago contentus erit: mors sola fatetur quan-
tula sunt hominū corpuscula. Recte igitur diuina sentētia
mortales nos admonet Vigilate atque estote parati: quia
nescitis diem neque horam: quanto prestantior hec uox q̄
illa Theophrasti inutilis conquestio. qui moriens incusasse
naturam dicitur: quod ea cornicibus ac ceruis: quorum
nihil interesset uiuere: longissimam uitam concessisset.
homini uero animantium excellentissimo: celestium etiam
capaci tam breuib; terminis uite spacium conclusisset.
Quid hic sibi uult Theophrastus: nisi nature repugnare
& more gigantum etiam cum deo preliari? Melius Plato:
Philosophiam nihil aliud q̄ mortis meditationē interpreta-
tur: ac nemo inquit Arpinas parum diu uixisse putandus
est: qui preclare uite preclaro functus est munere. neque
ego per superos quemquā esse puto qui se malit Argan-

237
toniū esse quā ex duobus Alexandris alterū: uel syrū: uel
macedonē: quanq̃ Argātonius Tartesiore princeps centū
quingenta annos sine ulla corporis noxa uixisse tradatur
Alexādrorū autē uita multo breuior sed benefactis longe
illustrior claret. nō enī in etate sed in moribus est gloria.
qua de re etiā non minus prudenter q̃ facunde Pontanus
noster in dissertationibus suis: omnium animantium inquit
excellētiā non ex longeuitate uerum ex nature sue boni
tate solere commendari. Quorsum hec Magnanime dux
Alfonse: quanuis Laurentii mortem ut pro amico decet
molestissime feras. hec tamen memoria serenitatem tuam
consolari potest: illum ita semper uixisse: ut quocunq̃ tem
pore necessitas obueniret: matura illi tempestiuaque non
acerba mors contigisse uideretur: sicq̃ nobis anteacta il
lius integerrima persuadent: non mortuum esse Lauren
tium: sed ex hac misera hominum conditione: que potius
mors uocanda sit: ad meliorem sempiternamque patriam
transmigrasse. addo si quod in humanis tempus est in quo
discedere hominē a uita non offendere sed prope delecta
re debeat: tunc etenim asserunt sapientes pulcherrimum
esse mori: quando maxime delectat uiuere. In hoc ipsum
tempus Laurentius inciderat: immo peruenerat. in quo
omnia illi aderant que alios quidem ad uitam: ipsum uero
ex morte ad meliorem locū exhortari ac inuitare possent
mens bona: prospera ualitudo: ampla facultas: excellens
doctrina: uiridis etas: integre uires: perspectus erga se pa
trie & orbis totius amor: Reipublice sue felicissima quies.


undiq; pax: undiq; cum exteris gētibus summa tranquilli-
tas: familia honestissima. Tres nati quorum primus anno-
rum uiginti cuilibet publico muneri satis idoneus. iam ui-
ces patris implet. eiusdemq; locum feliciter occupat: Al-
ter sexdecim agēs annos: maximo titulo Cardinalis insigni-
tus est. Tertius lustra duo superans quanta puer idole sur-
git: in quibus uelut uberrimis tribus fontibus medice do-
mus sapientia: morum suauitas: doctrina: cesariana libera-
litas: que precipua est illi domui: omnis deniq; uirtus redū-
dat. Hec & complura alia. beatissimam Laurentio uitam:
nec acerbam mortem reddiderunt Quid q; genus mortis
leuissimum fuit: non enim diuturna ualitudine uexatus lō-
gos morbi cruciatus sensit: sed paulisper infirmior: aduo-
cato medico: sumptis tamen prius (ut sepiissime solebat)
christiano ritu sacramentis. quasi ab ipso deo e terris de-
improviso sit ad celum euocatus: lecto acquiescens: nullo
uiolentiori motu: aut signo dato: ueluti suauissimo som-
no eleuatus est. O placidissimum genus mortis: o licet ul-
timum terribillium appellent: quam tamen huic lenitati
quietem anteponas: non facile inuenies. Credo equidem
illum dum se morientem agnosceret nec loqui subita cor-
poris debilitate permetteretur: uigilanti sane spiritu in pri-
mis animam deo: deinde patriam preceteris rebus charis-
simam tum filios ac domum commendasse. Nec dubitan-
dum est quin ex omnibus Europe principibus quos ille
excolebat: spem summam in diuo Cesare Ferdinando ac
in tua Magnanime dux Maestate constituerit. sic enim

298
egregia illius erga Aragoneam domum benemerita: fides
amor: integritas: cognita uirtus: Sic rursus erga illā Rem
publicam: uestra sublimis benignitas postulant ac persua
dent. Non dicendus est igitur mortuus Laurētius sed ma
gis ille uiuit: sed in pectoribus uestris uiget: ac recētior in
dies memoria illius apud posteros uigebit: neque adeo pa
rata est in generosis superstitum mentibus defunctorum
obliuio. Non tamen ut arbitror ille uestro luctu gaudet:
non dolorem uestrum efflagitat: sed memoriam sed amo
re n & erga suos cōciues natosq; subsidiū ac fauorē: Hec
petit hec a uobis iustissime impetrat. Quin mitissimā il
lius uocem haurire uideor hisce uersibus nos adhortan
tem: Quid mea lugentes turbatis funera: an illis Qui be
ne uixerunt creditis esse malum: Desinite a lachrymis me
liori nunc ego uita Fungor: Et eterni perfruor ore dei.
Et hec actenus. Voluissē equidem Magnanime dux ad
hoc tempus duo mihi precipue dari: primū tantū ingenii
eloquentieq; ut Augulissimo cōspectui tuo satisfacere
potuissē. deinde id omne ad uiuētis Laurētii potius lau
dē q̄ ad funebrē mortui querimoniā conuertere. Sed cum
casus ita accederit: & isti altissime parendum fuerit uolun
tati: Tuam primum Serenissime Dux clemētiam imploro
deinde o Florentia Maiestas. o Medica domus & o uos
Laurentii pientissimi manes obtestor. imbecillitati mee ue
niam date. si meritis uestris ac tāte sublimitati nequaq; par
oratio mea respōdere potuerit. nā quid agam: ubi conat⁹
meos ipsa rerū excellentia longe submouet ac uincit. dicā

Propertianum illud. quod si deficiant uires audacia certe
laus erit in magnis & uoluisse sat est.

Vis medice ueros Laurenti pingere mores
Ante tue mentis lumina pone Titum
Sic erat: hunc quanuis Florentia libera ciuem
Illum appellarit subdita Roma ducem
Ast animus: probitas: etas: mors: gloria uite
Par fuit: & patrem patria utrunq; uocat.
Felix dum similes Florentia cernet alumnos
Felix: nam semper uiuere salua potest.

*Obit Avelius iste anno
1796.*



R.R. XVII

Copinger 780
Reichling IV 128
CL.